

# لقاء رائع : أسباب دراسة الشيخ الحويني علوم الحديث

أبو إسحاق الحويني

يعني عايز اقول ان آآ قصة الاحاديث الضعيفة كيف دخلت على المسلمين لها قصة دامية ومع قلة حرس الحدود حول يعني هذه المسألة يتسع الخرق على الراقع فيها علم الحديث - [00:00:00](#)

هذا العلم الجليل الذي لا يعرف في امة من الامم الا للمسلمين وحدهم هذا العلم هو العلم الكفيل في ذب الكذب والخطأ عن رسول الله صلى الله عليه واله وسلم - [00:00:20](#)

الحقيقة كانت اه بدايتي في اه معرفتي او في محبة علم الحديث سببها حديث مكذوب على النبي عليه الصلاة والسلام والبداية دي كانت وانا كنت في سنة تالته سانوي سنة خمسة وسبعين - [00:00:41](#)

وكنت جنت جنت الى القاهرة يسبب يعني كان امتحان السانوية العامة زمان كانت بيعع دلوقتي ما عدناش قيمة التعليم كله خف خف وزنه الطالب الغش بقى على في كل مكان حتى كأن - [00:01:02](#)

صار واجبا مش هنقول مستحبا بل بعضهم قد يتقرب بمسألة الغش. لأ السانوية العامة زمان كانت بيعع فعلا لما يكون طالب في سانوية عامة كان بيبقى فيه حالة طوارئ حقيقية في البيوت - [00:01:20](#)

فبسبب الضغط العصبي والكلام ده ما قدرتش جيت القاهرة عند اخي الاكبر فكان ساكن في شارع مصر والسودان وكنت انا ايه بصلي الجمعة عند الشيخ عبدالحميد كشك رحمة الله عليه واسأل الله ان يرفع درجاته في الجنة - [00:01:32](#)

الشيخ كشك يعني آآ تعلمنا منه في بداية الدعوة كثيرا اكثر حاجة انا اتعلمتها من الشيخ عبدالحميد كشك رحمه الله عاطفتي نحو ديني. يمكن ما اتعلمتش منه علم كثير. وان كنت فيما بعد صاحبتة لما دخلنا السجن مع بعض سنة واحد وتمانين - [00:01:50](#)

ويعني آآ آ شرفت بانني كنت معه في فترة من الفترات وكان رجلا يعني يبكيك ويضحكك في ان واحد كان له يعني رقة قلب رحمة الله عليه المهم آآ الشيخ عبدالحميد كشك ده يعني كان خطيبا من - [00:02:09](#)

الطراز الاول كان رجل مفوها ويعني كان في آآ يعني آآ صوته نبرة حزن وكان عنده جزالة جزالة في آآ صوته وكان فصيحاً في خطابه ينتزع الدمع من المآقي حتى من من غلاظ الاكباد - [00:02:27](#)

المهم ان وانا اصلي الجمعة وطبعاً كانت الانسان يبكي بقى لكل الناس اللي حواليه بيبكوا وكت انا برضو اول لما الاقي واحد بالزات كبير وملتحى ولحيته بيضا وعمال يبكي كنت على طول ابكي زيه - [00:02:46](#)

وبعد الخطبة نطلع بقى نلف على تجار الكتب اللي عمالين ايه هي فارشين كتب على الارض وكده. المهم انني ظفرت بكتاب صفة صلاة النبي صلى الله عليه وسلم للشيخ الالباني. الحكاية دي - [00:03:03](#)

ولكن انا مضطر اقولها يعني مش مش هطول فيها قوي لانها حكيتها قبل ذلك ربما اكثر من مرة فوجدت كتاب صفة صلاة النبي صلى الله عليه وسلم للشيخ الالباني رحمة الله عليه - [00:03:13](#)

آآ وبعدين فتحت الكتاب اعجبني اسلوبه وكنت مش فاهم كثير منه. لكن كان يعني سمنه باهظاً بالنسبة لمثلي كان بتلاتين وانا لم يكن في جيبي الا خمسة قروش فتركت الكتاب ويعني قال لفيت لفيت لقيت - [00:03:25](#)

تلخيص صفة صلاة النبي صلى الله عليه وسلم للشيخ الالباني التقطت الكتاب على طول وبعدين فتحتته عجبني كان بخمسة قروش دفعت كل اللي في جيبي وخذته المهم ان الشيخ الالباني رحمة الله عليه - [00:03:44](#)

بهذا الكتاب فتح عيني على مسألة الاحاديث ضعيف والكلام طبعاً ده بعد ما حصلت الكتاب الاصلي في الجمعة اللي بعدها بدأت

ابحث عن كتب الشيخ الالباني لقيت الجزء اول من سلسلة الاحاديث الضعيفة والموضوعة للشيخ الالباني وكان - [00:03:56](#) ان ذلك بينشر مائة حديث بمائة حديث خمسميت حديث زي ما حصل بعد كده. لأ المئة حديث الاولى كانت في جزء لطيف المهم قعدت اتصفح الكتاب اسلوبه جزل وحاسس بفخامة في الكتاب ومش فاهم حاجة - [00:04:16](#) بس ايه كانت الحسنه اللي الشيخ رحمة الله عليه اسداها لي واسداها للجيل كله ان كان يجيب الحديث ويزكر درجة الحديث تحتيه. وبعدين يخرج الحديث واذكر ليه هو حكم عليه بالوضع او بالضعف او بالبطلان او الشذوذ او الى اخره - [00:04:36](#) فوجدت في المئة حديث الاولى حوالي عشرة خمستاشر حديث. الشيخ كشك بيقولهم في الخطبة والشيخ الالباني حاكم عليهم بالوضع او حاكم عليهم بالضعف او حاكم عليهم بالوهاء فانا كبرت في دماغي المسألة - [00:04:54](#) اه ان ان الشيخ كشك بيقول احاديث فبقيت محتار الشيخ كشك هذا الضخم ازاي يقول احاديث مكذوبة على النبي عليه الصلاة والسلام؟ ازاي حاجة زي كده يعني مش قادر استوعبها؟ مين اللي غلطان؟ هل يستطيع الشيخ الالباني هو اللي غلطان ولا الشيخ كشك اللي غلطان - [00:05:10](#) طالعين دي نوع من نزاع قلبي جوايا المهم يعني قضيت الاسبوع وانا اقرأ في السلسلة في البيت حديث الاولانية. ونفسي تصارعني. ازاي الشيخ كشك بيقول احاديث موضوعة مش قادر افهم يعني - [00:05:25](#) وذا رجل عالم جليل كبير كت لسة يدوبك الانسان بيحبو في العلم مناش عارف بقى مراتب العلماء ولا عارف سمت العالم ولا مال هو الذي يطلق عليه عالم ولا يطلق عليه واعظ - [00:05:40](#) ولا يطلق عليه مفكر التقسيمات الحديثه دي في يوم من الايام بعد حوالي اسبوعين كده آآ حضرت برضو كالعادة عند الشيخ آآ كشك رحمة الله عليه واذا به يقول ايه الحديث الاتي - [00:05:50](#) اللي هو الحديث الذي رغبني في دراسة علوم الحديث وفي نفس الوقت جعل همي ووكدي ان انا ابقي حارس على هذه السنة اذب الكذب عنها اسوة بائمتي الذين سبقوني في كل الاعصار - [00:06:07](#) آآ الشيخ رحمة الله عليه كان بيتكلم عن فضائل ابي بكر رضي الله عنه ما اوردها هذا الحديث قال رسول الله صلى الله عليه وسلم ان الله يتجلى للناس عامة - [00:06:23](#) يوم القيامة ويتجلى لابي بكر خاصة الناس صرخت بقى وانا برضو ايه انفعلت وبكيت برضه يعني ما يعني برضو هي الجو العام مشحون والكلام ده والكلام ده كان قبله كلام يهيج الاعصاب - [00:06:37](#) في كلام لكن يعني الحديث ما ركبش على قلبي ما جاش على قلبي بالرغم انه ما فيهوش حاجة يعني لو صح ما فيهوش معنى منكر يعني بس مش عارف ليه انا شكيت فيه. شكيت في هذا الحديث - [00:06:52](#) اول ما آآ آآ خلصت الخطبة وذهبت ادور على ايه؟ آآ اي كتب للشيخ الالباني في الاحاديث الضعيفة لقيت الجزء او القسم الثاني المئة حديث القسم الثاني المتين تتمة المتين حديث. المية حديث الثانية - [00:07:08](#) قعدت ابحت بقى في الجزء الاول والجزء الثاني عن الحديث ده ان الله تجلى ما لقتش الكلام ده خالص زهبت الى مكتبة من المكتبات قلت له ما عندكش اي كتاب في الاحاديث والموضوعة والضعيفة والكلام ده - [00:07:26](#) فاعطاني قال لي عندك دور في الرف ده. قعدت ادور لقيت كتاب لابن القيم اسمه المنار المنيف في الصحيح والضعيف بدأت ايه ابحت في الكتاب واذا بي اجد هذا الحديث الذي ذكره الشيخ على المنبر وحكم ابن القيم عليه بالبطلان او بالوضع - [00:07:37](#) الوضع يعني مكذوب يعني. والبطلان يعني اخو الكذب بس الفرق ما بين الموضوع والباطل ان الموضوع واحد افتراه الفه انما الباطل ممكن يعني يخطئ انسان فيه. ينقل كلام الناس يجعله حديثا للنبي عليه الصلاة والسلام - [00:07:58](#) فاول ما ما ما وقف على كلام ابن القيم كدت ان اطيح فرحا ان انا عايز ايه؟ انا شايف ان حديث الشيخ بقى بيقول احاديث ضعيفة. وانا حينئذ - [00:08:18](#) كبرانة اوي في دماغي ان لا يحل لاحد قط ان يروي حديثا ضعيفا وان من تمام النصيحة انه لابد ان انصح ومش عارف ايه كبرت في

دماغي. فكان الشيخ رحمة الله عليه كشك يعني - [00:08:29](#)

له درس آآ ما بين المغرب والعشاء في المسجد عين الحياة اللي هو موجود في آآ الملاك هناك في مصر والسودان المهم اه رحتمسجد والمسجد كان خاصا باهله - [00:08:42](#)

بعد ما صلبنا المغرب عايز ادخل للشيخ اقول له بس انا يعني فتى صغير والشيخ يعني شهرته طبقت الافاق وعندي يعني هيبة منه كده المهم على ما وصلت له كنا طابور - [00:08:57](#)

على ما وصلت للشيخ وهمست في ودنه كده قلت له يا شيخنا يعني آآ انت حضرتك قلت ان في حديس كزا كزا ان الله يتجلى قال لي ابوة يا ابني - [00:09:13](#)

ما له الحديس يعني قلت له وانا اتعثر في اذياي انا مش عارف مش عارف مش عارف اتكلم اقول له ده كذب ازاي تقول كذب مش عارف اقولها ازاي ومش عارف رد فعله هيكون ايه يعني - [00:09:24](#)

آآ قلت له الحديس ده ابن القيم بيقول عنه ان هو مكذوب قال لي مكذوب ايه؟ ده حديس صحيح طب مكذوب ليه ايه يعني اللي فيه يعني؟ هو يعني ابو بكر ما يستاهلش ان ربنا يتجلى له - [00:09:35](#)

وهو ساني بيثني اذهما في الغار الكلام مش قادر اضبطه الان مش قادر يجيب الفاظه يعني لكن الكلام كان في هذا الابه؟ كان في هذا المحور. انا انا اتلبشت بقى. اول ما قال الكلمتين دول عرقت بقى وحسيت ان بقى ياردة شقي وابلع عيني - [00:09:54](#)

مش عارف ارد المهم قال لي كلمة انا انتفعت بها كثيرا قال لي يا بني تعلم قبل ان تعترض الكلمة دي الحقيقة برغم انها كانت كأنه رمانى بحجر واحسست بانني اتعثر في في ذيلي - [00:10:10](#)

لكنها فعلا كانت كلمة انتفعت بها كثيرا زي برضو احيانا يعني الانسان وطبعا ده بتوفيق الله سبحانه وتعالى يعني الانسان ممكن كلمة من كلمة اتهام تكون آآ يعني آآ انطلاقة نجاح - [00:10:31](#)

يعني لما انا آآ ما جبنتش في السانوية العامة مجموع كويس يعني نلتحق باشقائي في كلية طب ابقى يعني اخواتي اطباء انا برضو كنت عايز انا اكمل المنزومة يعني انا ما جبنتش فكان لي خالي رحمة الله عليه وكان يحبنا جدا - [00:10:49](#)

والمهم ايه لقاني كده فقال لي انت فاشل انت فاشل انت فاشل دي كانت سر آآ تفوقني في الكلية بتاعتي كلية اللسن لما دخلت الكلية. كت سر تفوقك. انا فاشل ازاي انا فاشل؟ لآ انا مش فاشل - [00:11:07](#)

وعايز اسبت لنفسي ان انا مش فاشل واسبت لخالي برضه ان انا مش فاشل فالكلمة دي كانت هي سر نجاحي او في المسألة المهم كلمة شيخ كشك آآ ايه فكرتني بحكاية كنت قرأتها - [00:11:23](#)

الفضل ابن دكيم رحمه الله انا قلت بعديها فخرجت من عند الشيخ لما قال لي هذه الكلمة كأنما ديك نقرني انت عارف نقرة الديك بالزات في المنام تساوي الموت زي ما ايه - [00:11:42](#)

عمر بن الخطاب شاف في الحكاية قال اني رأيت ان ديك النقرني واني اراه بين يدي اجلي. ده كلام عمر بن الخطاب وفعلا لم تمض عدة ليال حتى طعنه الملعون ابو لؤلؤة المجوسي. عليه من الله ما يستحق - [00:12:01](#)

آآ فنقرة الديك عند العلماء يعني آآ تساوي الموتى يعني ونقرة الديك موت يعني فالفضل ابن دكين زي ما اقول ايه يعني كان في حكاية كده مش عايز اقولها عشان ما اخرجش عن الموضوع بتاعي - [00:12:21](#)

المهم خرجت واستخدمت او حضر في ذهني كلمة الفضل من اردت ان انا من عندي شيك كانما ديك النقرني وانا بقى دمي بيغلي بقى ازاي انا مش عارف ارد ازاي مش عارف اسبت طب ما الحديس جميل برضو - [00:12:35](#)

ايه يعني لما ايه يعني لما ربنا تجلى لابي بكر ايه يعني؟ ابو بكر وفضل ابو بكر الصديق قعد الكلام المعاني دي تيجي في نفسي وايه الدليل على بطلان الحديس وبتاع؟ قلت ما فيش حل في المسألة دي الا - [00:12:50](#)

ان ادرس علوم الحديث علشان افهم الحديث ده آآ ليه ليه؟ ليه يحكم عليه بالبطلان؟ مع ان معناه جميل طبعا فيما بعد عرفنا انه ليس كل كلام حسن يصلح ان تنسبه الى النبي عليه الصلاة والسلام - [00:13:04](#)

فان الذين تكلموا بالحكمة من بني ادم كثير ومش كل كلام جميل يصلح ان تنسبه للنبي عليه الصلاة والسلام. ليه؟ لان النبي عليه الصلاة والسلام قال ان كذبا علي ليس ككذب على احد - [00:13:22](#)

من كذب علي متعمدا فليتبوأ مقعده من النار لان النبي عليه الصلاة والسلام هو الذي تقوم بكلامه الحجة والخطر كل الخطر في مخالفة كلامه فلا يستوي حينئذ كلامه مع كلام غيره. حتى وان كان غيره جليلا بين الناس - [00:13:38](#)

حتى لو كان القائل هو ابو بكر نفسه كلامه لا يكون ككلام النبي عليه الصلاة والسلام ما ينفعش بقى يجي واحد يقول لك ايه عيب الكلام ده؟ طب ما كلام جميل - [00:14:00](#)

ما هو احنا بقى يعني ها بنفس هذا المفهوم كذب من كذب على النبي صلى الله عليه وسلم بادعاء انه يكذب له لا عليه يعني نوح ابن ابي مريم نوح الجامع الذي كان يقال له الجامع - [00:14:17](#)

قال ابن حبان فيه فيه نوح ده هو جمع كل شيء الا الصدق شوف احسن عبارة قيلت في نوح الجامع نوح ابن ابي مريم جمع كل شيء الا الصدق. كان فقيها - [00:14:34](#)

وكان زاهدا. وكان مصليا. في كل حاجة بس انت عارف ده عمل ايه هو الذي وضع مش مش هو لوحده طبعا في اخرون وضعه. بس ده الذي تولى كبر هذا الامر - [00:14:52](#)

هو الذي وضع الاحاديث الواردة في فضائل سور القرآن الكريم اه اللي عنده التفاسير الاتية هيلقي الاحاديث دي موجودة في ذيل كل تفسير سورة هيلقي اللي عنده تفسير ابي السعود بالزات الجماعة الازهرية - [00:15:08](#)

اللي عندهم النسفي. التفسير النسفي لا زال يعني ايه بيدرس حتى الان تفسير النسفي وتفسير ابي السعود وتفسير الفخر الرازي والزمخشري طبعا. الزمخشري ده يعني آآ قبة الاعتزال ده. ما كانش عنده اي فكرة عن الحديث بتاتا - [00:15:30](#)

التفسير الخازن بالرغم انه يعني ربما يكون احسن من دول الى حد ما شوية تفسير الثعلبي وهذه التفاسير التي لا يعرف اصحابها قبيلا من دبيرها فيما يتعلق بعلم الحديث. ولا الاحاديث الصحيحة ولا الضعيفة ولا الكلام ده. ما لوش فكرة القصة دي خالص -

[00:15:48](#)

بعد ما يخلص الصورة يجيب لك ايه فضائل السورة زي سورة الواقعة مثلا من قرأ سورة الواقعة صباح كل يوم امنة من الفاقة هذا كذب على النبي عليه الصلاة والسلام - [00:16:11](#)

الذي صح من فضائل سور القرآن يعني آآ احاديث واحاديث قليلة يمكن بتاع خمسة وعشرين ثلاثين حديث فقط الذي صح في فضائل سور وايات القرآن اما بقية الاحاديث التي وردت فجها. فنوح ابن ابي مريم ده كان ايه يقعد يألف - [00:16:23](#)

من دماغه كده يقرا السورة وبعدين يشوف السورة دي ايه ايه المحور اللي السورة بتدور حواليه ويقوم حاطط حديث ها آآ للصورة فلما قالوا له هذا الكلام ايه ازاى تعمل الكلام ده؟ قالوا يا جماعة رأيت الناس انشغلوا بفقاه ابي حنيفة - [00:16:42](#)

ومغازي ابن اسحاق عن القرآن فوضعت هذه حسبة لله. يعني شف المصيبة ان هو لما وضع الاحاديث وكذب على النبي عليه الصلاة والسلام ان يؤجر من وراء ذلك وجاء جماعة من الكرامية فرقة كده قال لك نحن نكذب له لا عليه - [00:16:59](#)

نحن نكذب له. قال هو انا لما اقول مثلا من قرأ سورة الواقعة صباح كل يوم امن من الفاقة في هذا اليوم والناس قرؤوا سورة الواقعة. الله! هو انا عملت حاجة من كرة يعني! ما خليت الناس يقرؤوا القرآن هو - [00:17:19](#)

طيب النبي قال هذا الكلام عليه الصلاة والسلام ما قانش يبقى هذا كذب على النبي عليه الصلاة والسلام. يبقى ليس خيرا يبقى ليس خيرا ما تقوليش انه قرأ القرآن لانه لا فرق عند العلماء بين ان تدخل الباطل في الدين او ان تخرج الحق منه - [00:17:37](#)

فاحنا النهاردة في هذا الوقت كثير من الجهلة يخرجون الحق من الدين بدعاوى باطلة لسة قبل ما ادخل الحلقة على طول وآآ واحد بيكلمني واتنتي رسائل كثيرة. قال ان في واحد طلع كده من اثناء الناس - [00:17:57](#)

في زمن الفوضى وغياب صوت الدين وسيف الشريعة طالعين عمالين يكذبوا بالاحاديث من جمبها يقول لك ايه؟ ان النبي صلى الله عليه وسلم كل احاديث سحر النبي صلى الله عليه وسلم كاذبة - [00:18:15](#)

وعمال يقول اتحدى ومش اتحدى والكلام ده واحد يسبب لي المش عارف ايه والكلام ده العلماء ردوا عليه ردا ما تركوا

مقالة لقائه المسألة ديت وكل الشبهات الذين ردوا هذا الحديث من قديم - [00:18:28](#)

رد عليه علماؤنا ردا متينا. لكن اشكال هؤلاء انهم لا يقرأون يجيبوا الكلام القديم الذي قاله المبتدعة ويتركون ردود اهل العلم عليه ما هو ده ما هو ده لما ياتي رجل على حديث اتفقت الامة اهل السنة والجماعة ما ليش علاقة بالمبتدعة المعتزلة والخوارج والشيعه

والجماعة - [00:18:43](#)

دول هؤلاء مبتدعة لهم اصولهم الخاصة اصول خاصة عملوا الاصول دي فصلوها تفصيلا لرد الاحاديث الصحيحة التي رواها اهل السنة هو النهاردة لما يبجي يقول لك مسلا خبر الاحاد لا يؤخذ به في العقيدة. مين اللي قال الكلام ده في الدنيا من علماء السنة؟ اهل

السنة والجماعة - [00:19:06](#)

ما قال هذا الا اهل البدع الخبر الواحد لا يؤخذ به في العقيدة ليه؟ قال لك لان العقيدة لابد فيها من التواتر الدعوة دي انت جبتها ازاي

يعني؟ جبتها منين - [00:19:28](#)

هو النهاردة يرد على الكلام ده انا مش مش عايز اتفرع بس انا بقول لك ان احنا الان متعرضين لفكي الكماشة ادخال الباطل في الدين

واخراج الحق منه. ادخال الباطل في الدين عن طريق ذكر الاحاديث الضعيفة والموضوعة في الاستدلال - [00:19:43](#)

ده ادخال الباطل في الدين. واخراج الحق منه انكار الاحاديث الصحيحة ما هو ده الاتنين دول الاتنين دول نحن يعني الان يعني بكل

اسف بنعاني من هذين الصنفين جميعا. فالنهارده اهل البدع - [00:20:03](#)

لما يبجي قص الاصل لما بيأصل الاصل يقصد يرد على اهل السنة والجماعة زي الاصل اللي انا قلته لكم ده الخبر الواحد لا يؤخذ به

في العقيدة. الخبر الواحد يعني ايه يا ابني؟ تقصد بخبر الواحد؟ قال لك الذي رواه الواحد والاتنين والثلاثة - [00:20:20](#)

طب انت ما بتأخدش من الحديث ده ليه قال لك لان الراوي ممكن يغلط ولا عقيدة مظنونة لازم يكون الدليل قطعي الثبوت

فيها لان الواحد ممكن يغلط طب انا لما اقول لك ان الرسول عليه الصلاة والسلام - [00:20:40](#)

آآ كما في الصحيحين ارسل ابا موسى الاشعري الى اليمن وفي رواية انه ارسل معاذ ثم اردفه بابي موسى. ورواية ارسل ابا موسى

واردغه بمعاذ ابن جبل قال لمعاذ انك تأتي قوما اهل كتاب - [00:21:02](#)

فليكن اول ما تدعوهم اليه شهادة ان لا اله الا الله وان وان محمدا رسول الله فان هم اجابوك لذلك لا اعلمهم ان الله افترض عليهم

خمس صلوات في اليوم والليلة. الى اخر الحديث الذي يعرفه تعرفونه ان شاء الله - [00:21:25](#)

معاذ بن جبل كان واحد ولا كان ميت واحد؟ كان رجلا واحدا لما النبي عليه الصلاة والسلام يبعثه لاهل اليمن حتى يبلغ دين الله

سبحانه وتعالى وقال له فليكن اول ما تدعوهم اليه شهادة ان لا اله الا الله. مش ده الاعتقاد - [00:21:44](#)

طيب لو ان اهل اليمن ردوا معاذا ورفضوا هذه الكلمة. بيقوا الكفار ولا لا انت هتحكم عليهم بايه بالكفر. الله! ازاي تكفرهم! ما ممكن

يقول لك معاذ ده ممكن يغلط - [00:22:11](#)

ما هو فرد واحد احنا بنقول الخبر الواحد يرد في العقيدة. لا يقبل في العقيدة. طب ما ده فرض واحد اهو بمنتهى البساطة يقول له

انت رجل واحد وهو يحتمل ان تغلط - [00:22:28](#)

ويحتمل ان تخطى لا نريد عدد التواتر عايزين ثلاثين اربعين واحد يقولوا زيك بالزبط عشان نتأكد انك لم تغلط ارسل خلفه ابا موسى

الاشعري او العكس. المهم في الاخر هم اتنين - [00:22:39](#)

معاذ بن جبل وموسى الاشعري رضي الله عنهما ثبتت الحجة بتبليغهما لاهل اليمن ولا لم تثبت؟ باتفاق كل اهل العلم ثبتت الحجة بنقل

هذين لعقيدة الاسلام الى شعب كامل وشعب اليمن - [00:22:56](#)

ازاي يبجي واحد يقول لي ان خبر الواحد لا يقبل الادب طب ده النهاردة مسلا حتى انت لما بتروح لطبيب عشان يكشف عليك بيقول

لك انت عندك آآ العلة الفلانية - [00:23:17](#)

انت بتقول في نفسك هكذا ان من الممكن الطبيب يغلط يعني بقول لك مسلا انت لازم تفتح بطنك دلوقتي اهو لازم تعمل العملية حالا

بتقول له والله انت يجوز عليك الغلط - [00:23:30](#)

ولابد ان احنا نعمل بقى ونلم متين تلتيمت طبيب ولا حتى عشرة خمستاشر طبيب حتى يقولوا هذا الاحتمال ان انت تكون غلطان. فتفتح بطني وتفتح كرش كده ببلاش حد بيقول هذا الكلام - [00:23:42](#)

ما فيش حد بيقول هذا الكلام. بتاخذ الروشته بتروح تصرفها من صيدلية. اليس من الجائز ان الصيدلي يغلط دواء مكان دواء لقرب الاسماء ولا قرب الاحرف ولا الكلام ده انت بتاخذ الكلام ده ثقة منه بتاخذ الحبوب وتقعده تبليغ - [00:23:54](#)

وقد يكون الدواء غلط وتكتشف ان انت مرضت ايه الموضوع ده ده مش الدواء عايز ترفع بقى قضية على الصيدلي ولا تروح الكلام ده ده كله كلام وارد في حد من الناس كده لما بيروح يقول لآ انا لا امن هذا الصيدلي انه يصرف لي الروشته لازم يكون ثلاثة اربعة يقرؤها عشان اتأكد ان الدولة هيدوني صح - [00:24:11](#)

ده حتى في واقع الناس يخالفون ذلك في واقع الناس يخالفون ذلك انا عايز اقول ان كثير من اهل البدع او اهل البدع وضعوا اصولا القصد بها ان يتترسوا بها ويجوا يقفوا خلفها حتى يصدوا اهل السنة - [00:24:31](#)

والجماعة الادللة للعدوم يبطلوها فانا عايز اقول ان احنا الان متعرضين المشكلتين دول. المشكلة الاولى كسرة الاحاديس الضعيفة والموضوعة التي يلوكها الناس الحقيقة الحاجة الثانية الاحاديث الصحيحة التي يكذبها الجهلة الذين يتكلمون بلا اي رادع كل واحد بيطلع يتكلم الكلام اللي هو عايزه وما فيش كما قلت لكم ليس هناك سيف للشريعة ولا حمى للدين عشان - [00:24:49](#)

اي حد يخاف يتكلم في دين الله سبحانه وتعالى الا ان يكون اهلا لذلك انا عايز اقول ان آآ حديث ده هو حديث الموضوع او الباطل الذي قاله الشيخ رحمة الله عليه الشيخ عبدالحميد كشك يعني كان هذا هو آآ السبب المباشر - [00:25:15](#)

في ان ادرس علوم الحديث لما بدأت بقى آآ ادرس علوم الحديث وذهبت الى بلدي الى محافظة كفر الشيخ بلدي يعني. وبدأت ان انا افشي هذا الكلام. لم يتحمل كثير من الخطباء اللي هم - [00:25:35](#)

شهير انزاك منهم واحد رحمة الله عليه لم يتحمل هذا مطلقا تقريبا كان بيحضر من من سلسلة الاحاديس الضعيفة للشيخ الالباني تقريبا كل احاديسه كانت موضوعة وكانت مكذوبة فالشباب الذين كانوا يتعلمون عندي بسبب حماسهم والكلام ده ما كانوا يتأدبون مع بعض هؤلاء الخطباء المشاهير - [00:25:55](#)

وكان ممكن على رؤوس الاشاد يقول الحديس ده مكذوب. الحديث ده باطل. الحديث ده موضوع. مين يا ابني قال لك هذا الكلام؟ يقول له والله فلان الفلاني قال ان الحشد مكذوب - [00:26:19](#)

قامت عليه بقى مشكلة آنذاك وان انا علمت الشباب قلة الادب. وان انا يعني عمال انفي في الاحاديث واتكلم بمزاجي في الاحاديث والكلام ده عايز ابصر هؤلاء الناس ما فيش بيني وبين حد عداوة. كل المسألة اني اريد ان اعلم هؤلاء الناس - [00:26:28](#)

ان كل الكتب التي يقرأون فيها حتى لبعض كبار العلماء فيها احاديث اتفق علماء الحديث على انها مكذوبة. حتى في كتب بعض علمائنا الاجلاء الكبار زي ابن القيم وابن تيمية والكلام ده. في احاديث - [00:26:47](#)

يعني الكبد داء والدواء بتاع ابن القيم رحمه الله. ما ما في احاديس ضعيفة كتيرة وكتب ابن الجوزي او كل كتب الوعظ مسلا. كتاب احياء علوم الدين لابي حامي الغزالي - [00:27:01](#)

اللي هو يعتبر تقريبا كل خطباء الاوقاف الا ما ندر ما بيستغفوش عن هذا الكتاب الكتاب ده اذا كان في مسلا في حدود تلت تلاف حديسة فمش اقل من الفين حديس - [00:27:16](#)

يدور ما بين الضعف والوضع والكذب والبطلان الف حديس اللي ممكن تبقى صحيحة او حسنة او قريبة. يعني ممكن ناخذ من الفين حديس اللي انا قلت لك عليهم دول شوية كمان كده يبقى ضعيف محتمل للتحسين - [00:27:32](#)

لكن الباقي كذب. ليه؟ ابو حامد الغزالي كان رجل اصوليا في القمة. اصول فقه تعجبك جدا جدا فقيه يعجبك جدا جدا محدس تحت خط الفقر ما عندوش فكرة خالص عن الحديث - [00:27:51](#)

حتى قال بعض العلماء ما اعلم على بسيط الارض كتابا اكثر كذبا على النبي صلى الله عليه وسلم من كتاب احياء يوم الدين وكل

حديث انت بتاخده لازم تبص في الحاشية اللي تحت - [00:28:06](#)

زين الدين العراقي حاول يخرج في اكثر من تخريج. التخريج الموجود المطبوع النهاردة تحت في اسفل هذا الكتاب التخريج الصغير للحافظ زين الدين العراقي لهذا الكتاب اغلب بقى اللي بيقرأوا ما يبصش في الحاشية اللي تحت - [00:28:23](#)  
انما بيقرأ الكلام فلما يبجي واحد علشان يقرأ في هذا الكتاب عايز يحضر خطبة مسلا فيقرأ الاحاديث آآ حديثا يخدم الفكر يطلع يقول هذا الحديث ولم يقله رسول الله صلى الله عليه وسلم بل قد يكون كذبا محضا على النبي صلى الله عليه واله وسلم -

[00:28:42](#)

فده الشبية اللي كان كما قلت لكم الخطباء بيطلعوا يتكلموا فانا ما كان قصدي ان انا لما باقول هذا الكلام ان انا اجرح في فلان او الكلام ده لكنه فهم هكذا - [00:29:03](#)

فانا عايز اوقف صاحبنا وفي نفس الوقت عايزه يتقبل الحق الذي عندي. وهذا انا ارجو ان الشباب ان يتعلم الشباب من تجربتنا احنا لما بدأنا يعني لما بدأ الدعوة الى الله سبحانه وتعالى واحنا في آآ نهاية المرحلة الثانوية وعلى مشارف الجامعة لم يكن لنا شيوخ يعلمونا الحكمة - [00:29:16](#)

اه ممكن لنا شيوخ علمونا العلم. لكن الحكمة ما تعلمناها من شيوخ ليه؟ لان تعلم الحكمة زي ما انا قلت في الحلقة قبل اللي فاتت وانا بتكلم عن آآ الدعوة وآآ طرائق الدعوة - [00:29:39](#)

ان دي عايزة حد يلزم. يعني انا وانا باتعلم الزم شيخ من الشيوخ عشان يعلمني الحكمة. احنا ما حدش علمنا الحكمة انما تعلمنا من خلال سير العلماء وتعلمنا من الواقع - [00:29:56](#)

ولا انكر اننا اخطأنا كثيرا ايضا ولم نحسن معاملة العوام الذين انكروا علينا. كنا برضه بنعاندهم في المسألة دي ونحن نظن اننا نقيم السنة ويشتدون يعني غضبا منا وينفروا الحق هنا ينفر من الحق الذي عندنا. انا عايز اقول للشباب لا تكن حائلا - [00:30:10](#)  
بين الحق وبين الناس بسوء تصرفك فانا لما تعلمت برضو اه شيئا من سير العلماء وكيف اعامل الناس والكلام ده؟ قلت لاه يعني اه صديق هذا الخطيب قلت له انا يعني فلان الفلاني يقول ان انا علمت شباب الادب سوء الادب وان الشباب بيعترضوا عليه انا لا احمل عهدة - [00:30:32](#)

سوء ادب الشباب انا اعلم اقول للشباب هذا حديث مكذوب. يطلع الشاب بحماسة يروح لواحد على رؤوس الشهداء ويقول له هذا حديث مكذوب. ازاي تكذب على النبي؟ ازاي تقول كذا كذا كذا - [00:30:56](#)

ما بيتحملش يا ابني من اللي قال لك كده ولا الشيخ ابو اسحاق؟ قال لي الحديس ده مكذوب. ايوا انا قلت الحديث ده مكذوب فعلا لكن ما قتلتكش تعمل كده ولا تنصح بهذه الطريقة - [00:31:08](#)  
قلت له انا يعني محتاج ان انا ادعو هذا يعني الشيخ عشان افهمه وجهة نظري وانا عارف طبعا يعني انذاك انا كنت لسه يعني آآ تركت القاهرة رحت بلدي كان لسه بقى لي حوالي سنة تقريبا. فالشباب بس اللي يعرفوني. انما يعني آآ عامة الناس ما كانش حد يعرفني - [00:31:18](#)

من اهل بلدي آآ فضلا عن خطيب مسقع مشهور في البلد والكلام ده. فساعات شهرة المرء تصده عن قبول الحق يعني انا النهاردة مسلا لو افترض شيخ مشهور مسلا مسلا - [00:31:39](#)

يجي شاب صغير يكلمني يقول لي يا شيخ الحديس ده كذا كذا كذا الاقي سدري اتغير الله ازاي يا ابني تكلمني بالطريقة دي قلت انا فلان الفلاني وانا اللي بعلم الناس العلم ولا الكذا. احيانا - [00:31:55](#)

قد يلقي يعني هذا الكلام يلاقي ضعف ايمانه عند الانسان. او يلاقي حظ النفس وما ابرى نفسي ان النفس لامارة بالسوء. كلنا هذا الرجل ما فيش حد فينا فوق الموضوع ده - [00:32:07](#)

ولا حد فاضل اوي يعني. كلنا ملايين زنوب وربنا ساتر علينا جميعا فالانسان ممكن يبقى انسان فاضل لكنه قد يأبى الحق في مرحلة من مراحل. بسبب سوء النقل سوء التصرف الى اخره - [00:32:20](#)

لكن انا لان الراجل ده مشهور وانا عايز ابين له برضه ان انا اقرأ ان انا برضه قارئ ما بقولش الكلام ده من دماغي قلت لصاحبي اه انا سادعوه عندي - [00:32:34](#)

في البيت بس انا ما خدتوش المرة دي البيت عندي لكن خدتوا مكتبتي انا قصدت فعلا ادخل له المكتبة بقصد شرعي عندي آنذاك وهو انه لما يشوف الكتب يقوم ايه؟ يقوم يتخض شوية يقوم يعرف ان انا برضو قارئ زيه. ما اناش واحد جاي من آآ من الغيظ ولا واحد جاي من الشارع ولا الكلام ده. فيقوم يعني - [00:32:46](#)

يهدي المسألة شوية. لما نتكلم يفتح لي ودانه. مش يتصور ان انا شاب صغير وهو رجل كبير وما يصحش ان انا اتكلم. قلت بس عايز بس يشوف المنزر ده ده طبعاً يعني آآ وانا عادة ما يعني ما بستضيفش حد في مكتبي ابدأ. ليه؟ لان ده مكان شغل - [00:33:11](#) استضيفه في بيتي استضيفه حاجة لكن ده مكان شغل. استضيف مسلاً حد من اهل العلم آآ ممكن نستفيد بحاجة. يعني حاتباحث معه في مسألة قد نحتاج ان احنا ننظر في كتاب - [00:33:30](#)

مش ممكن كل شوية طالع نازل عشان اجيب الكتاب. لأ ممكن اكون في المكتب عندي بحيس ان انا استطيع اني التقط الكتاب بس ده غير كده لأ المهم استضفت ايه هذا الرجل قلت لصاحبي ايه يعني - [00:33:41](#)

انا الحقيقة آآ فتحت لهم الباب. دخل قعد وتركتهم ودخلت عشان آآ اعمل لهم شاي ولا حاجة وانا قاصد هذا عشان اشوف تعليق هذا الشيخ اول ما يدخل يشوف المكتبة وكده - [00:33:54](#)

هو طبعاً قال كلمة يعني اول كلمة تلقائية قالها طبعاً احنا يعني فيها خطأ طبعاً يعني اعاقه دي هو اول ما شاف البتاع ده وبص لصاحبه قال له يا دين النبي كل دي كتب قرأ ده كله - [00:34:07](#)

طبعاً ايه انا ما سمعتش الراجل حكى لي فيما بعد ايه اللي حصل اول ما جيت والكلام ده لقيت الراجل اول ما قعدت ورحبت به واهلاً وسهلاً فضيلة الشيخ واخبارك ايه والكلام دهوت وانا يعني آآ لن اعتب عليك آآ - [00:34:22](#)

انك انت تكلمت وقلت كذا كذا كذا انا عارف الشباب اسأؤوا الادب معك. وكذا لكن الواقع الحقيقة كذا وكذا وكذا وابتديت اجيب له كتب مخصصة للاحاديث الضعيفة والموضوعة. ما رضيتش اجيب له كتاب شيخنا الشيخ الالباني سلسلة الاحاديث الضعيفة

الموضوع عليه. عشان ما يبقاش عنده حساسية. في ناس - [00:34:37](#)

كده لما تقول له الالباني ما يرضاش يقبلها انا مش فاهم ليه يقول له ابن حجر العسقلاني تقول له مسلاً آآ ابن الجوزي يقبلها فبرضو انا تعلمت القصة دي من حكاية حكيت لي - [00:34:55](#)

والحكاية دي انا فعلاً آآ يعني آآ اعجبت بها جدا وانصح بها يعني اخوانا مر في بعض اخوانا من السعودية آآ ويبدو انه كان حكيماً لان تصرفه يدل على انه حكيم. انا لا اعرف الحقيقة هل هو كان عالماً ام كان طالب علم ام كان رجلاً آآ متعلماً - [00:35:15](#)

انه كان حكيماً راح في بعض البلاد راح تركيا تقريبا على ما اذكر وكان آآ في مستشفى بيتعالج يعني. وكان بينزل من المستشفى يروح يصلي في مسجد بالقرب من المستشفى - [00:35:35](#)

وهو قاعد بيستمع درس ل احد الشيوخ هناك لقي الراجل ده بيستمع شيخ الاسلام محمد بن عبدالوهاب رحمه الله قل احذروا الوهابية والمش عارف ايه والكلام ده فكان طبعاً هو انت عارف الخليجين بقى والسعوديين لبسوا الغطرة والعقال والبتاع ده والكلام ده

الرجل ايه - [00:35:50](#)

خلاص كده اول مرة تنتهي في الزحمة قرر في نفسه شيئا تاني مرة نزل عادي آآ كاشف راسه لا عقال ولا آآ غترة ولا الكلام ده وجاب كتاب التوحيد اللي الفه الشيخ محمد ابن عبد الوهاب رحمه الله وقام شايل الجلدة وشايل الورقة وشايل العنوان بحيس الكتاب ده ما تعرفش كتاب مين - [00:36:11](#)

وبعدين راح تودد الى الامام وقال له والله انا ايه يعني الحقيقة انا مبسوط منك وآآ وحببتك وبتاع والكلام دهوت وآآ وعايز اتعلم منك واتعلم من علمك ففي واحد اداني كتاب - [00:36:34](#)

آآ بس انا برضو ايه خفت يكون فيه غلط ولا حاجة فقلت اعرض عليك الكتاب بحيس ان لو فيه غلط ما قراهوش فاقرأوا كده واياه

وقل لي رأيك فيه الرجل اخذ الكتاب ويوم يومين ثلاثة آآ الكتاب طبعا كتاب التوحيد لمن يعني آآ يعرف كتاب التوحيد. ما في هوش  
حاجة اكثر من الاية - [00:36:46](#)

يعني تبويب معين الايات التي تخدم التبويب. الاحاديث اللي تخدم التبويب ما ما يؤخذ منا الاية والحديث يعني حاجة ايه عناوين  
يعني ما فيش حاجة اللي عايز يقرأ كده مجردة ما يقدرش ياخذ حاجة على الشيء - [00:37:07](#)  
المهم الرجل الامام دهوت بعد يومين ثلاثة الرجل ايه رأيك فيه كده خالص الكتاب قال له اه ده كتاب جميل ما في هوش حاجة قال له  
انت متأكد يعني انه كتاب رائع وكويس ومش عارف ايه. قال له كتاب جميل. قال له شف بقى يا سيدي. هو ده كتاب الشيخ محمد  
عبدالوهاب اللي انت عمال تشتم فيه. وتقول له الوهابية وتقول اللي مش عارف ايه. الرجل اسقط - [00:37:26](#)  
ليه؟ ورت العداوة هو لا اري ولا عرف ولا عمل اي حاجة. زي ما اهله طالعين يعادون وهو طالع يعادي. على حسب المجتمع بتاعه قال  
له لأ انت بقى الدنيا كده المنزومة اتغيرت عندي انا لابد انك انت تعرفني الحقيقة وكانت فتحة خير لهذا الامام واخذوا الشيء هذا -  
[00:37:43](#)

وداه المملكة واتعلم ورجع يدعو الى المذهب الحق. انا عايز اقول يعني شف التصرف الذكي. يعني احيانا لما نقول صححه الالباني  
ضعفه الالباني بعض الناس كده قلبه يوجعه جلده بينمل اول ما تذكر كلمة الالبان. خلاص يا سيدي بلاش الالبان - [00:38:03](#)  
عندما اذا كان في حد اه فوق الالباني من الطبقة يعني من اهل العلم والكلام ده. ممن يعني لا يعاديه مثل هذا الانسان. خلاص اذكر  
اسمه يعني لا تجعل اي اسم كان حائلا دون وصول الحق الى الناس - [00:38:21](#)  
انا عايز الشباب يفهموا الحقيقة ديت. القصة مش قصة دفاع عن اشخاص مش قصة ان لازم اسبت فلان يعني لازم اسبت فلان. لأ. اذا  
كان ذكر فلان. نحن لا نوالي ولا نعادي على اشخاص او على افراد. انما نوالي ونعادي - [00:38:37](#)  
على منهج اي حاجة تحول دون وصول هذا المنهج كن يعني حكيمًا ويتصرف هذا انا ما رضيتش ادي له الحقيقة سلسلة تعزيز الضيف  
والموضوع للشيخ الالباني انما اتيت له بالكتب القديمة في هذا الباب. جبت له كتاب الموضوعات لابن الجوزي رحمه الله - [00:38:51](#)  
وآآ ما تلى طبعا فيه كتاب المناكير والباطيل للجرقاني قبل ابن الجوزي. بس كتاب ابن الجوزي يعني يعتبر كان اول كتاب آآ مصنف  
في هذا الفن وكان يعتبر آآ ايضا آآ يعني اكثره مادة. وجبت له كتب بقى بعد كده للشوكاني وابن عراق - [00:39:08](#)  
كتب الليل التي يعني المؤلفة في هذا الفن. قلت له والله يا اخي هذه احاديث كتب صنفها اهل العلم فانتهم لما تهملوا جهود اهل العلم  
وتقولوا الاحاديث اللي هم نفسهم طول عمرهم بيقولوا هذا حديث باطل وموضوع. تطلع برده تقوله الله يا ضيعة جهود هؤلاء -  
[00:39:28](#)

العلماء ليه انتم راكبين جهد هؤلاء العلماء على جنب؟ وبرضه الباطل تقعدوا تقولوا فيه ليل نهار لماذا لا تبحثون؟ لماذا لا تتعلمون فدي  
دي كتب اهل العلم ذكروها وذكرها كذا وقلت له قلت له يعني مسلا وجبت له احاديث مشهورة برضه - [00:39:45](#)  
لهؤلاء العلماء قلت له ادي العلماء نصوا على الحديث دي مكزوبة واحاديث ضعيفة فكون انك انت مسلا بتقرأ في كتاب حتى لو كان  
لعالم جليل العالم ده لما بيصنف الكتاب بيلقي اي حديث يخدم الموضوع بتاعه بيدخل في بيستدل به - [00:40:03](#)  
ده مش معناه ان العالم آآ كان يعلم انه مكذوب او انه باطل ثم استدل به. لأ العالم ما عندوش فكرة ان هو باطل ولا عنده فكر انه  
ضعيف لانه مش متخصص في المسألة ديت - [00:40:21](#)  
المهم دار بيني وبينها حوار رقيق يعني ما كانش بالحرارة اللي انا باتكلم بها الان يعني آآ حوار رقيق وآآ انتهينا من المسألة دي ان  
الرجل يعني آآ قبل الحق وقال ان فعلا انا يعني الحقيقة ما درستش علم الحديث كنا خدنا نتف زمان - [00:40:32](#)  
ايام زمان ايام ما كنا في الجامعة ورقتين ثلاثة في في علم الحديث لكن انا مش فاكر منه حاجة اطلاقا ولا اعرف قصة صحيح ولا  
ضعيف. فانا بصراحة محتاج انت تدلني على كتاب قبل ما اخطب الجمعة او قبل ما ادي درس احاول اصحح احاديثي - [00:40:47](#)  
منه حينئذ لم اجد مناصا ولا بدا من ذكر الشيخ الالباني في الموضوع ولم يكن ظني في محله في الحقيقة. لان لما قلت له الشيخ  
الالباني الرجل ما اعترضش خالص - [00:41:04](#)

قال ده عالم جليل وعالم فاضل. انا كنت خايف ان هو اول مولد اللباني يرفض القصة يعني الشيخ اللباني رحمة الله عليه آآ فيما يتعلق بهذا الباب لم يكن العالم الوحيد - [00:41:18](#)

في عصره لأ ده كان فيه علماء فطاحل علماء كبار من اهل التخصص في علم الحديث وانا لما اقول التخصص في علم الحديث عشان اذا لم اسم عالما جليلا اخر - [00:41:35](#)

لا يتعقب علي به اه في عالم بيتحرى ان ينقل الصحيح بس مش محدث اشهر ثلاثة كانوا في عصرهم ممن تكلموا على الصحيح والضعيف او تكلموا في علم الحديث بكلام متين - [00:41:49](#)

وكانوا في حقبة واحدة من آآ اهل الاستقامة في المذهب خلي بالك انا عارف ان في ناس مبتدعة آآ عندهم صنعة في الحديث بس لم يستفيدوا شيئا من الحديث ظل على بدعته. فيه ناس مبتدعة يتكلم في الحديث كصنعة - [00:42:07](#)

لكنه لا يتدين بالحديث ابو القاسم البغوي محمد بن عبدالله بن عبدالعزيز احد مشايخ الدارقطني وهو احد الائمة الكبار ذهب الى الامام احمد بن حنبل يوما وقال له اكتب لي وصية الى الشيخ الفلاني - [00:42:35](#)

ان يعنني بي احمد بن حنبل طبعا امام الدنيا انذاك لما يكتب رسالة كده لابي القاسم ولشيخ من الشيوخ واقول له يعني اهتم بالطالب اللي جاي لك اللي شايل هذا الخطاب والكلام ده. اكيد طبعا هيبقى له حظوة - [00:42:59](#)

آآ عند آآ هذا الشيء ابو القاسم البغوي آآ ذهب للامام احمد وقال له ايه اكتب لي كتابا الى الشيخ فلان عشان يهتم بي فكتب الامام احمد يقول بهذا الشيخ قادم لك رجل - [00:43:14](#)

آآ يشتغل بالحديث او يكتب الحديث اه عبارة احمد قادم او هذا رجل يكتب الحديث وابو القاسم البغوي بيقول له يا ابا عبد الله هل قلت له قادم عليك رجل صاحب حديث - [00:43:31](#)

احمد قال ايه؟ قال يكتب الحديث هو ابو القاسم عايز ايه؟ يكتب صاحبه حديث فقال له الامام احمد الله صاحب الحديث عندنا من يستعمل الحديث الذي يتدين بالحديث هي المسألة مش حشو دماغ - [00:43:55](#)

ولا انك انت تقعد تحفز؟ لا كما كان علماؤنا يقولون يحيى ابن ابي كثير ومجاهد وعكرمة وقالها مالك رحمه الله بعد يعني هؤلاء قال فليس العلم بكثرة المسائل انما العلم الخشية - [00:44:19](#)

العلم على الحقيقة مش ان كل ما اقول لك في مسألة تقول لي اه انا عارف اقوال العلماء فيها وقال فلان وقال علان والراجح في الخلاف كذا وكذا والدليل كذا وكذا مش - [00:44:34](#)

ده العلم ده وسيلة لكن العلم على الحقيقة الخشية وانا لما اقرأ كلام الله عز وجل وابقى عارف اعراب الكلام واعرف آآ ارتباط الاية دي باللي بعديه. وارتباط السورة دي باللي بعديها. وفي الاخر ارواح آآ ادخن شيشة - [00:44:44](#)

ها ولا ارواح عشان مش عارف اعمل ايه؟ ايه اللي استفدته انا اذا ما اذا هذا العلم ما كان يهدي صاحبه الى رب العالمين تبارك وتعالى لم يزد من الله الا بعدا بسبب ثبوت الحجة عليه - [00:45:01](#)

يعني يا ليتته كان جاهلا ربما يعني الجاهل طبعا وهو مؤاخذ انه لم يبحث عما يحبه الله ويرضاه. او عما يكره الله ويبغضه فيجتنبه ومؤاخذ على اي حال. بس جريمته ليست كجريمة الذي علم الحجة فخالفها - [00:45:15](#)

فالقصة مش قصة الم علم القصة العلم ده ما هو الا سبيل الغاية ان تعرف ربك سبحانه وتعالى وان تقيم العبودية على وجهها كما ارادها منك يا رب العالمين سبحانه وتعالى ليكون مستقر في النهاية الى الجنة - [00:45:35](#)

فليس العلم بكثرة المسائل. القصة مش قصة احش دماغي والكلام ده. استعمل الحديث. فالامام احمد قال لك لا. صاحب الحديث من يستعمل الحديث فاحنا عندنا ناس يشتغلون بالحديث مش اصحاب حديث - [00:45:53](#)

اللي انا هاذكرهم دول اللي هم يعني من اصحاب الاستقامة في المنهج واصحاب الاستقامة في العقيدة الثلاثة دول الحقيقة آآ تأثيرهم في العوام الترتيب اللي هقوله بس مش ده الترتيب العلمي من ناحية القوة - [00:46:09](#)

برضه عشان برضه ايه يعني ممكن نقدم واحد على واحد نخط واحد جنب واحد هم ثلاثة الحقيقة اللي انا اقدر اقول انهم كانوا كان

لهم آآ التأثير البالغ في الجماهير - 00:46:32

سواء جماهير المسلمين كعامة او جماهير المثقفين او النقاد او طلبة العلم على وجه الخصوص اول واحد يتحط على قائمة هؤلاء

الثلاثة الشيخ الالباني رحمة الله عليه ثاني واحد الشيخ احمد شاکر - 00:46:47

ابو الاشبال آآ طبعا آآ احمد شاکر احنا نفخر انه من مصر رحمة الله عليه والثالث الشيخ عبدالرحمن ابن يحيى المعلمي اليماني الشيخ

عبدالرحمن ابن يحيى المعلمي اليماني ده رجل - 00:47:05

لما تقرا له في علم الحديث هز دماغك من الاعجاب متين غاية المتانة. الشيخ عبدالرحمن رحمة الله عليه ولكنه كان يحب الخمول

يحب يزهر ولا يحب كده يتصدر رجل مكتبة - 00:47:24

وعاش حياته مصححا للكتب في الهند دائرة المعارف الهندية لحد ما جاء امين مكتبة الحرم المكي الكتب التي آآ صححها كتب في

غاية الاهمية وتصحيحه متين ما كانش بيصحح زمان الكتب الا العلماء - 00:47:48

هم اللي كانوا يكتشفوا الاخطاء والكلام ده الكتب التي الفها الشيخ عبدالرحمن ابن يحيى المعلمي انا كلف بهذا الرجل لاني بحبه من

قلبي اسأل الله ان يرحمه وان يرفع درجات في الجنة لانه كان له تأثيرا بالغا على تكوين العلم - 00:48:09

اه اه الكتب اللي الفها كتب قوية للغاية بالذات كتاب التنكيل بما في تأنيب الكوثري من الاباطيل. والله لا اقول يكتب بماء الذهب بل

اقول يكتب بماء العيون بالتنكيل بتاع الشيخ عبدالرحمن ابن يحيى المعلمي اليماني رحمة الله عليه. واليمن الحقيقة بتطلع كل فترة

كده عالم العالم يعني تلاقيه ثقيل - 00:48:25

جدا يعني زي ايه ما بيقول القائل يعني وام الصقر مقلاة نزوره يعني ايه ترى الشحور اكثرها بيوضا وام الصقر مقلاة نزور. يعني انت

عارف اللي بيبيض كتير الفراخ والعصافير والشحور وبتناع كل يوم بيبيض بيضة - 00:48:49

بس العصفور لما بيبيض بيضة بتطلع من البيت يطلع من البيضة ايه عصفور ها يعني حاجة ما لهاش قيمة يعني. لكن الصقر بقى

بيبيض بيضة في السنة بس البيضة دي بتطلع صقر - 00:49:08

ما بتطلعش عصفور فبقى ام الصقر مقلاة النزور مقلاة يعني ايه؟ يعني بتبيض قليل قوي النزر بعد النزر ما تبيضش الا ايه؟ يعني قليل

جدا. بس بيطلع الحياة اليمن العلماء اليمن - 00:49:23

بيطلع منها فعلا بيكون عالم ثقيل يعني انت عندك بقى شوش شو ابن الوزير مسلا الوزير ما فيش حد يعرف انه وزير الا خواص طلبة

العلم كمان ده انت لما تقرا العواصم والقواسم لابن الوزير ده حاجة حاجة ده ملك - 00:49:39

العاصم القاسم ده لابن الوزير. او تقراً حتى مختصر الروض الباسم في الذب عن سنة ابي القاسم. اختصر العواصم القاسم ده مطبوع

في تسع مجلدات. يكتب بماء العيون ها والمقبلي والشوكاني والصنعاني يعني الحقيقة فالشيخ عبدالرحمن ابن يحيى المعلم اليماني

لانه كان يحب الخمول ما كانش بيحب يزهر والكلام ده ما يعرفوش الا - 00:49:55

خلاص طلبة العلم الشيخ احمد شاکر رحمة الله عليه لانه كان قاضيا يعني شرعيا وآآ يعني كان رجلا ازهريا وآآ في نفس الوقت كان

صاحب قلم الرشيق كان ادبيا وبيت ال شاکر - 00:50:17

بيت محترم من البيوت المحترمة. الشيخ محمد شاکر كان وكيل لجامع الازهر خلف آآ الشيخ احمد شاکر من ابناء الشيخ احمد شاکر.

والشيخ علي شاکر. الشيخ علي شاکر رحمة الله عليه. توفي يعني شابا - 00:50:34

والشيخ محمود شاکر ابو فخر شيخ العربية في هذا الزمان وصاحب القلم الرشيق الناصع. يعني آآ موجود جنب السرير عندي بصفة

مستمرة آآ كتابين للشيخ محمود شاکر على طول دائما اقرأ آآ في الكتابين دول اباطيل واسمار - 00:50:47

اللي هو بيرد فيها على لويس عوض والجماعة بتوع الطابور الخامس دول وكتاب المتنبي والمتنبي معه الرسالة للشيخ شاکر عملها

رسالة في الطريق الى ثقافتنا الممتعة دي. اللي انا اتمنى ان كل واحد يقرأ هذه الرسالة - 00:51:08

قال بيت شاکر كله بيت علم آآ الشيخ احمد شاکر رحمة الله عليه كان له حظ واكثر وكان مشهورا وكان معروفا اكثر من الشيخ

عبدالرحمن ابن يحيى المعلمي اليماني. بس تأثيره كان اقل. ليه؟ لم تكن انذاك في صحوة علمية - 00:51:27

او صحوة شبابية حتى الصحوة الشبابية لم تكن علمية والشيخ كان منشغل بالقضاء ما بدأ الشيخ يتفرغ رحمة الله عليه الا بعد ما وصل ستين سنة. الشيخ توفي سنة الف وتسعمية تمانية وخمسين وكان سنه تمانية وستين سنة - [00:51:44](#)

ما تفرغ الشيخ الا بعد الستين وكانت صحته ضعفت وكان بذله لم يكن آآ بذاك يعني لكنه الف كتب كثيرة من اهمها المسند شرح رسالة الشافعي وجزئين من شرح سنن الترمذي ويعني عمل له جهد كبير - [00:51:59](#)

جت بقى المسألة وسعت جدا جدا مع شيخنا الالباني رحمة الله عليه حتى الشيخ الالباني استطاع بفضل رب العالمين عليه سبحانه وتعالى ان يفعل ما لم تفعله كتيبة من اهل العلم - [00:52:16](#)

ما يذكر رجل بسنة فيما يتعلق بالحديث يعني وآآ التصحيح والتضعيف والكلام ده الا وللالباني عليه فضل الصحوة الموجودة دي كلها على رأسها ما قلتش الشيخ الالباني لوحده اللي عملها. لأ هناك علماء كثر كرام كبار وان لم يكونوا متخصصين في علم الحديث لكنهم ما - [00:52:37](#)

لا يحتجون الا بالصحيح المشايخ الشيخ ابن باز والشيخ ابن عثيمين وهذه الطبقة اللي هم صح مش متخصصين في علوم الحديث. تخصص اهل الحديث لكنهم كانوا يحتجون ويتحرون الصحيح ويعرفونه ويعرفون طبقات العلماء حتى الذين يأخذون منهم التصحيح والتضعيف - [00:53:01](#)

لكن عايز اقول اللي كان على قبة هؤلاء فيما يتعلق بهذا المعنى ان تصحيح وضعيف والناس يعرفوا ان ده باطل وده موضوع الكلام ده كان الشيخ الالباني رحمة الله تعالى عليه - [00:53:20](#)

كان له الفضل الكبير في هذا. بالرغم ان في ناس انا اعلم انهم يسرقون عملي الالباني ياخذوا تخاريج الالباني. وحكم الالباني ويكرهوا الالباني برضو يغدوا الحسنة منه يطوها تحت البساط البحث وكأن هو اللي اخترعها. اول ما يغلط الالباني يقول لك وقد اخطأ الالباني في كذا وكذا والرد عليه من وجوه - [00:53:33](#)

الاول الثاني الثالث الرابع ما عندناش مشكلة ان نغلط الالباني ولا من هو اعلى من الالباني بس ايه ده يا اخي كان عندك حسنة اتهم ان الالباني افشها الالباني غلط غلطة برضو تعقب الالباني ما عندناش مانع. تتعقب - [00:53:53](#)

لا الالباني معصوم ولا من هو اكبر من الالبان معصوم ما فيش مشكلة في المسألة دي. والشيخ الالباني رحمة الله عليه هو اللي علمنا ان نتعقبه. انا اهديت للشيخ رحمة الله عليه بعض كتبي - [00:54:07](#)

وفيها تعاقب على الشيخ عليه هو ما لا ما لامني بل بعض الكتب قرأها كما هو اشار الى ذلك في بعض كتبه رحمة الله عليه. ولا لامني لي هو الذي حرر عقولنا من - [00:54:21](#)

هذا الجمود بس على حسب الضوابط العلمية مش يبقى فيه انفلات في ناس النهاردة منفلتون منفلتين يعني يجتهد بلا اي ضوابط. بدعوى ايه؟ الاجتهاد وعدم التقليد والكلام. لأ أنت عايز تجتهد - [00:54:33](#)

في اصول الاجتهاد ندرس الوصول الاول تمشي تبع الوصول اهلا وسهلا. انما تحدث فوضى في العلوم وتجتهد من دماغك كده ومن عقلك والكلام ده. الكلام ده مرفوض انا عايز اقول - [00:54:49](#)

ارجع واقول والموضوع متشعب جدا وانا عملت ده كمقدمة لان انا آآ يعني آآ فيما بعد آآ ان انشرح الله عز وجل صدري ولقيت وقت آآ في اقدر ادي على الاقل نصف ساعة ساعة الاربع آآ في كل اسبوع. اقول الاحاديث المشهورة على السنة الناس اللي هم يقولوها. واذكر - [00:55:02](#)

وعلة الحديث. وما فيش مانع ان انا ادلك على بعض المصادر التي عنيت بتخريج هذا الحديث اذا كان انت لك رغبة انك انت تتوسع في معرفة العلم ولك فضل الطلاب في علم الحديث ولا حاجة. برضو ده من باب ان يتجنب - [00:55:23](#)

الناس الكذب على النبي صلى الله عليه وسلم حتى وان لم يشعروا بذلك. انا ما يعني دفعني الى هذا الا اني اسأل تقريبا يوميا عشرات عن عشرات المساجد طب النهاردة انا لما باقول لواحد ببسألني الحديث ده ضعيف. طب ما هو بس اللي استفاد - [00:55:37](#)

فرايت ان اتكلم في قناة فضائية يراها الملايين برضو في جنبات العالم ربما يكونوا متورطين في آآ ذكر هذه الاحاديث. فيقوموا

يتعلموها ولا يفوتني ان اقول ان في بعض الاحاديث التي ساضعفها - [00:55:54](#)

اختلف اهل العلم فيها انا اعلم ان في بعض العلماء قد يكون حسنها وقد يكون صحيحها لكن انا ارى وده مش رؤيتي انا لوحدي يظهرني في هذا كثير من اهل العلم ساذكر برضه بعض اهل العلم الذين ضعفوا او هم على انا انا على وجهة نظرهم لاقول هم على وجهة - [00:56:12](#)

بل انا على وجهة نظرهم في هذا لا اخرج لا اخرج يعني ساعات الحافظ ابن حجر مسلا العسقلاني ساعات يصح حديثا ما او يحسن.

يأتي من بعده يضعف احنا على حسب الضوءات العلمية - [00:56:35](#)

اقول الصواب التضعيف فان كنت ترى انني اهل ان تأخذ مني فلا جناح عليك ان تقلدي احواء تخالف الحافظ ابن حجر ان كنت ترى

لأ. الحافظ ابن حجر هو الذي يقلد وانا لا وارجو الا يتصور احد ان انا حاطط نفسي قبال حافظ - [00:56:50](#)

لأ انا بتكلم الان في من سيقلد من مشمان سيقلد؟ لأ الحجر العسقلاني ده انا ما انا ما اسواش اصب عليه الماية بتاعته. لو هو بيتوضاً

انا ما انفعش ابقى غلام اصب على الحافظ من حجر الوضوء بتاعه. ما اقصدهش احط نفسي ببقى - [00:57:12](#)

يعني استغفر الله يعني. لكن انا كلامي في المقلد وليس في المقلد يعني من ترى انه الادين اللعلم والادين لك الحق ان تقلده في ذلك

لكن انا ارجو الا يكون هذا يعني آآ مدعاة لاتساع الخرق - [00:57:28](#)

وساحاول بقدر الامكان عشان اقلل المسألة دي اجيب احاديث يكاد اهل العلم بالحديث يتفقون او اكثرهم يجمع على كذب هذا

الحديث او على خطاه او على بطلانه. وساحاول بقدر المستطاع ان اتجنب - [00:57:51](#)

الاحاديث اللي يبقى فيها خلاف شهير في خلاف شهير يعني ممكن خلاف يكون في حديث ما ضعيف. خالف فيه عالم مسلا غلطة عالم

او عالم ان لكن اكثر اهل العلم يذهبون الى ضعف الحديث او - [00:58:09](#)

الى بطلانه مثلا. ده اللي انا هحاول بقدر المستطاع ان انتقيه. اما الحديث اللي هو آآ يعني مختلف فيه قوي مثلا هحاول بقدر

المستطاع ان انا ايه يعني اؤخره. ولو اضطررت ان انا اعمل حاجة زي كده. يبقى انا برضو هضطر ان انا اقول لك لماذا انا ضعفته؟

والعالم ده لماذا - [00:58:23](#)

لا اخطأ في هذا المسألة ارجو ان تكون يعني آآ يعني آآ مفيدة. وهي يعني آآ داخلة تحت قول النبي صلى الله عليه وسلم الذي رواه

تميم الداري رضي الله عنه الدين النصيحة. قالوا لمن يا رسول الله؟ قال لله ولرسوله ولائمة المسلمين وعامتهم - [00:58:43](#)

اقول قولي هذا واستغفر الله العظيم لي ولكم. وصلى الله وسلم وبارك على نبينا محمد والحمد لله رب العالمين - [00:59:04](#)